

## II

### AN CHOPAIL “IS” — I

#### Aimsir Láithreach

Is copail **is** a cheanglaíonn dhá fhocal nó dhá abairtín le chéile chun ionannas a chur in iúl nó chun béim a chur ar fhocal nó ar abairtín.

**Ní** an fhoirm dhiúltach atá ar an gCopail : **an** an fhoirm cheis- teach agus **nach** an ceisteach diúltach.

**Ní** leanann séimhiú ná urú na mionfhocail sin; ach i ndiaidh ní, cuirtear **h** roimh **é, í, iad, ea**.

Den dá chuid den abairt a cheanglaíonn an Chopail, tugann an chéad chuid, **an Fhaisnéis**, eolas faoin dara cuid di, **an tAinmní**, i.e. an t-ábhar cainte.

#### An Fhaisnéis

Is dalta scoile

Is feirmeoir

Ní amadán

Ní iasc

Is é Seán

Is í Máire

Ní hé lá na báistí

Ní hiad na fir mhóra'

Is é sin

Is tusa

#### An tAinmní

mé.

an fear sin.

Séamas.

frog,

é.

a dúirt é.

lá na bpáistí.

a bhaineann an fómhar.

mo leabharsa.

an múinteoir.

Is ainmfhocail **éiginnte** *dalta scoile, feirmeoir, amadán, iasc*, ach is focail **chinnte** *Seán, Máire, lá na báistí, na fir mhóra, é sin, tusa*.

Más ainmfhocal **cinnte** an Fhaisnéis, nó más ceann de na forainmneacha **seo, sin, siúd** í, ní mór ceann de na forainmneacha **é, í, iad** a chur idir an chopail agus an fhaisnéis mar atá déanta sna samplaí thuas.

Bíonn béim an ghutha ar an bhfaisnéis, de ghnáth, ach má tá sí éiginnte is féidir í a neartú leis na focail **is ea** :

Dalta scoile **is ea** mé. Feirmeoir **is ea** an fear sin.

## Ceist agus Freagra

Ní leor **is** nó **ní** mar fhreagra ar cheist; ní mór focal éigin eile— forainm nó aidiacht—a chur leis :—

1. An forainm neodrach **ea** más faisnéis éiginnte é :  
**An fear** é sin atá ag teacht chugainn ? **Is ea. Nach buachaill** é ?  
**Ní hea**, ach fear.
2. An forainm **é, i, iad, mé** (mise), **tú** (tusa), más faisnéis chinnte é :  
**An é Art Ó Riain** é ? **Is é**, go deimhin. **An í** sin a bhean atá leis ?  
**Is í**, gan amhras.
3. **Forainm réamhfhoclach** oiriúnach más forainm réamhfhoclach atá san fhaisnéis; nó más réamhfhocal é ar a bhfuil béim :  
**An agatsa** atá mo pheann ? **Ní agam.**  
**An ag Máire** atá sé ? **Is aici.**
4. An **aidiacht chéanna** más aidiacht an fhaisnéis :  
**An ceart** é sin ? **Is ceart.**  
**Nach breá** an lá é ? **Is breá**, buíochas le Dia.  
 Ach má leanann clásal coibhneasta aidiacht (nó do- bhriathar) san fhaisnéis, baintear feidhm as an bhforainm neodrach **ea** san fhreagra :  
**An breoite** atá Máire ? **Is ea.**  
**Nach anuraidh** a bhí tú sa Spáinn ? **Is ea.**

## Is agus Béim an Ghutha

Chun béim an ghutha a chur ar fhocal nó ar abairtin faoi leith san abairt, cuirtear an focal sin nó an abairtin sin díreach i ndiaidh na Copaille

San abairt “Chaill Séamas a pheann sa pháirc inne,” is feidir an bhéim a athrú mar seo :

**Is é Séamas** a chaill a pheann sa pháirc inné.

**Is é a pheann** a chaill Séamas sa pháirc inné.

**Is sa pháirc** a chaill Séamas a pheann inné.

**Is inné** a chaill Séamas a pheann sa pháirc.

Chun béim faoi leith a chur ar fhocal éiginnte, cuirtear an focal sin i dtosach na habairte agus **is ea** ina dhiaidh :

**Inné is ea** a chaill Séamas a pheann sa pháirc.

# 12

## AN CHOPAIL “IS” — II

### Aimsir Chaite : Modh Coinníollach : Modh Foshuiteach

**Ba** is gné don Chopail san Aimsir Chaite agus sa Mhodh Coinníollach. **B’** nó **ab** (*Ceachtanna* 48 agus 59) an fhoirm a úsáidtear, de ghnáth, roimh ghuta, nó roimh **f** má leanann guta é. Ach **ba** a úsáidtear roimh **é**, **í**, **iad**, **eisean**, **ise**, **ea**.

### A. Láithreach Aimsir Chaite agus Modh Coinníollach

	(Roimh chonsan agus roimh <i>fl-</i> , <i>fr-</i> ) <b>ba</b>	(Roimh ghuta agus roimh <i>f+guta</i> ) <b>b’</b>
is		
ní	níor	níorbh
an	ar	arbh
nach	nár	nárbh
gur(b)	gur	gurbh
cé	cér	cérbh

Leanann séimhiú na mionfhocail atá sa dara colún thuas.

Séimhítear *f* i ndiaidh na mionfhocal sa tríú colún.

### Aimsir Láithreach

**Is** capall donn é. Ní capall dubh é. **An** capall é? **Nach** capall donn é? **Is** álainn an lá é. **Is ea** (Sea). Ní **hea**. Cé leis an capall? **Is** fliuch an lá é. Ní fleá shuairc í. Ní freagra maith é. **Is** fearr é. Ní fiú duit dul ann.

### Aimsir Chaite

**Ba** chapall donn é. **Níor** chapall dubh é. **Ar** chapall donn é? **Nár** chapall donn é? B’álainn an lá é. **Ba ea**. **Níorbh ea**. **Cér** leis an capall? **Ba** fhliuch an lá é. **Níor** fhleá shuairc í. **Níor** fhreagra maith é. B’fhearr liom é. **Níorbh** fhiú duit dul ann.

**Aimsir Láithreach**

**Is** é m'uncail é.  
**Ní hé** m'athair é.  
**An** é m'uncail é ?  
**Nach** é m'uncail é ?  
**Cé he** sin ?

Ní dhéantar cumasc idir **is** agus **é, í, iad** ; scríobhtar **is é, is í, is iad**. Ach tá cead **is ea** nó **sea** a scríobh.

Is féidir úsáid a bhaint as **is** nó **ní** chun tagairt a dhéanamh don am atá thart má tá an rud fíor fós :

**Is** maith an rud go raibh tú in am. ach

**Ba** mhaith an fear Séamas (nuair a bhí sé beo).

**Aimsir Chaite**

**Ba** é m'uncail é.  
**Níorbh** é m'athair é.  
**Arbh** é m'uncail é ?  
**Nárbh** é m'uncail é ?  
**Cérbh** é sin?

**An Modh Coinníollach**

**Ba (b')** is gné don Chopail sa Mhodh Coinníollach. Baintear feidhm, de ghnáth, as na mionfhocail **níor(bh), nárbh(bh), gur(bh), arb(bh)**, sa Mhodh Coinníollach. Leanann séimhiú iad :

**Ar** mhaith leat úll ? **Ba** mhaith, go raibh maith agat.

**Nárbh** fhearr leat oráiste? **Níorbh** fhearr, b'fhearr liom úll.

**Arbh** fhiú leat an leabhar sin a cheannach agus é chomh daor sin?

B'fhiú, go deimhin, tá dúil agam ann. Dá mbeadh gluaisteán agat

**arbh** fhéidir leat é a thiomáint? **Níorbh** fhéidir.

**Dá mba** mhian leat é a cheannach gheofá saor é.

**Dá mba** é Séamas a cheannódh é, bheinn sásta.

**An Modh Foshuiteach, Aimsir Láithreach**

**Gura(b)** is gné don Chopail sa Mhodh Foshuiteach.

**Gura** (*dearfach*) agus **nára** (*diúltach*) roimh chonsan.

**Gurab** (*dearfach*) agus **nárab** (*diúltach*) roimh ghuta :

**Gura** maith an mhaise dó é. **Gura** slán an scéalaí.

**Gura** móide de theaghlach na Glóire é.

**Gura** seacht bhfearr a bheidh tú bliain ó inniu.

**Gurab** amhlaidh duit. **Gurab** é barr do leasa é.

**Nára** fearrde tú é. **Nárab** é a leas é.